

Jaiotzak egonkor mantendu ziren 2020ko lehen hiruhilekoan Euskal AE osoan

Lurraldeka, bilakaera desberdina izan da: Bizkaian % 2,2 hazi dira, Gipuzkoan egonkor mantendu dira, eta Araban % 6,3 jaitsi dira

Eustatek landutako datuen arabera, 2020ko lehen hiruhilekoan 3.723 haur jaio ziren Euskal AEn, hau da, aurreko urteko aldi berean baino % 0,1 gutxiago. Jaiotza-kopurua % 2,2 hazi da Bizkaian; Araban, ordea, % 6,3 jaitsi da, eta Gipuzkoan egonkor mantendu da. Zehazki, Bizkaian 1.862 haur jaio ziren; Gipuzkoan, 1.265; eta Araban, 596.

Jaiotzak amaren adinaren arabera banatzen baditugu, 35-39 urteko amen taldea nagusi da erditzeen % 34,6rekin. Ondoren 30-34 urteko amena da, % 34,3rekin, eta 25-29 urtekoena, % 14,2rekin.

2019ko hiruhileko berarekin alderatuta, 40 urte edo gehiagorekin ama izan diren emakumeen kopuruak behera egin du: 2019an 421 izan ziren, eta 2020an, 404. Emakume horien jaiotzak guztizkoaren % 10,9 izan dira (% 11,3 2019an), 25 urtetik beherako amen jaiotzak (% 6,1) baino gehiago.

Ezkontzaz kanpoko jaiotzak guztizkoaren % 44,6 izan ziren, 2019ko lehen hiruhilekoan izandako kopuruaren antzekoa (% 44,8). Bizkaiak eta Arabak Euskal AE osoak baino balio handiagoak dituzte, % 46 pasatxo; Gipuzkoan, aldiz, ehuneko hori txikiagoa da (% 41,2). Ama ezkongabeen amatasun-adina ama guztiena baino txikiagoa da, eta nabarmentzekoa da ezen haien % 9,1ek zituztela 25 urte baino gutxiago.

Jaiotza-hurrenkeraren arabera, 2020ko lehen hiruhilekoan jaiotzen % 49,1 (1.827 haur) lehenengo haurrak izan dira; 1.410 (% 37,9) aurretik beste bat bazen familietara iritsi dira; eta hirugarren eta ondorengoak % 13,1 izan dira, hau da, 0,5 puntu gehiago 2019ko hiruhileko beraren aldean.

Gora doa, % 28,4ra, atzerriko nazionalitatea duten amen ehunekoa

2020ko lehen hiru hilabeteetan Euskal AEn izandako jaiotzen % 28,4tan amak atzerriko nazionalitatea zeukan; hori 2019ko hiruhileko berean izandako ehunekoa baino puntu bat handiagoa da. Zifra hori handiagoa izan zen Araban, % 35,7: aldiz, Bizkaian % 26,7 izan zen, eta Gipuzkoan % 27,6.


Bizirik jaioak, lurralde historiko, amaren adina, amaren egoera zibila, amaren nazionalitatea eta jaiotza-ordenaren arabera (1)

	Trimestre Actual		Aurreko hiruhilekoa		Aurreko urteko hiruh. bera	
	2020/I		(2019/IV)		(2019/I)	
	Kop.	%	Kop.	%	Kop.	%
Euskal AE	3.723	100,0	3.846	100,0	3.725	100,0
Araba / Álava	596	16,0	620	16,1	636	17,1
Bizkaia	1.862	50,0	2.008	52,2	1.822	48,9
Gipuzkoa	1.265	34,0	1.218	31,7	1.267	34,0
Amaren adina	3.723	100,0	3.846	100,0	3.725	100,0
≤ 24 urte	226	6,1	256	6,7	260	7,0
25 - 29 urte	527	14,2	489	12,7	504	13,5
30 - 34 urte	1.278	34,3	1.325	34,5	1.281	34,4
35 - 39 urte	1.288	34,6	1.353	35,2	1.259	33,8
≥ 40 urte	404	10,9	423	11,0	421	11,3
Amaren egoera zibila	3.723	100,0	3.846	100,0	3.725	100,0
Ezkondua	2.061	55,4	2.114	55,0	2.055	55,2
Ezkongabea	1.662	44,6	1.732	45,0	1.670	44,8
Amaren naziotasuna	3.723	100,0	3.846	100,0	3.725	100,0
Espainiarra	2.664	71,6	2.754	71,6	2.703	72,6
Atzeritarra	1.059	28,4	1.092	28,4	1.022	27,4
Jaiotza-hurrenkera	3.723	100,0	3.846	100,0	3.725	100,0
Lehenengoa	1.827	49,1	1.906	49,6	1.831	49,2
Bigarrena	1.410	37,9	1.433	37,3	1.423	38,2
Hirugarrena edo gehiago	486	13,1	507	13,2	471	12,6

(1) Oraingo eta aurreko hiruhilabeteko datuak behin-behinekoak dira

Iturria: Eustat. Jaiotzen estatistika

Euskal AEn erregistratuta dauden eta Euskal AEn bizi den ama batengandik bizirik jaioak



Iturria: EUSTAT. Jaiotzen Estatistika

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prentsa-zerbitzua: servicioprensa@eustat.eus Tlf: 945 01 75 62